

## ZAPISNIK

### sa 11. sastanka Privrednog savjeta Grada Zenica

održanog 27. marta 2018.godine u maloj sali Grada Zenica (II sprat), Trg BiH br. 6., Zenica, s početkom u 14:00 sati

**Sastanku su prisustvovali:** predsjedavajući Privrednog savjeta, gradonačelnik Fuad Kasumović; Amra Mehmedić, šefica Odsjeka za lokalni ekonomski razvoj; Sabira Helvida, pomoćnica gradonačelnika u Službi za ekologiju, komunalne i inspeksijske poslove; Semira Karić, pomoćnica gradonačelnika u Službi za urbanizam, imovinsko-pravne, geodetske poslove i katastar nekretnina; Mirsad Heleg, savjetnik Gradonačelnika za komunalne poslove i urbanizam; Senad Pašalić, direktor Zeničke razvojne agencije ZEDA d.o.o. Zenica; Senaida Turkić, Aksa d.o.o. Zenica/Udruženje poslodavaca Zenica; Fahrudin Šahmanija, Femetall d.o.o. Zenica; Senad Džanić, Club 072-Zenica; Benjamina Šaranović, Udruženje poslodavaca Zenica; Vukica Marjanović-Suljić, Forum građana Zenice; Edin Šarić, Savez izviđača grada Zenica; Nandino Škrbić, direktor JP „RTV Zenica“ d.o.o. Zenica; Jusuf Brkić, Služba kabineta Gradonačelnika - Odsjek za lokalni ekonomski razvoj i Maida Mujanović, Grad Zenica-Služba kabineta Gradonačelnika;

**Sastanku nisu prisustvovali:** Jusuf Kravić, Ze-Steel d.o.o. Zenica; Biju Nair, Generalni direktor, ArcelorMittal Zenica; Jasmin Baručija, direktor Glovis d.o.o. Zenica; Damir Begić, Almy d.o.o. Zenica; Mladen Perić, Pero d.o.o. Zenica/Udruženje poslodavaca Zenica;

**Na početku** sastanka predsjedavajući Privrednog savjeta, gradonačelnik Fuad Kasumović, pozdravio je sve prisutne i zahvalio na dolasku.

Prije predlaganja dnevnog reda gđa Senaida Turkić je uputila primjedbu u vezi zaduženja sa prethodne sjednice Privrednog savjeta koje se odnosilo na obavezu da Udruženje poslodavaca Zenica pripremi primjedbu i prijedloge za izmjene i dopune Odluke o komunalnim taksama. Navela je da je prijedlog upućen Službi kabineta Gradonačelnika, međutim na Gradskom vijeću razmatran je samo prijedlog koji se odnosi na komunalne takse za stomatološku praksu. Smatra da bi se prijedlozi za izmjene i dopune Odluke o komunalnim taksama trebali razmatrati u kompletu.

Savjetnik gradonačelnika za komunalne poslove i urbanizam g. Mirsad Heleg je kazao da će od strane resornih gradskih službi biti izvršena detaljnija analiza prijedloga Udruženja poslodavaca Zenica u vezi s izmjenama i dopunama Odluke o komunalnim taksama. Predsjedavajući Privrednog savjeta je upoznao prisutne da je formiran Pravni savjet Grada Zenice čiji će članovi razmatrati i rješavati najsloženija pravna pitanja iz nadležnosti Grada. Gđa Senaida Turkić je u ime Udruženja poslodavaca Zenica izrazila nezadovoljstvo radom Gradskog vijeća Zenica.

Šefica Odsjeka za lokalni ekonomski razvoj predstavila je članovima Privrednog savjeta saradnika Jusufa Brkića, zaposlenog u Odsjeku, koji će ubuduće biti na raspolaganju članovima Privrednog savjeta.

Predsjedavajući je predložio sljedeći:

### **Dnevni red**

1. Realizacija zaduženja sa 10. sastanka Privrednog savjeta
  - a) Zvanična objava Informacije o broju podnesenih zahtjeva i dozvola za građenje sa rokovima realizacije zahtjeva (putem službene web stranice Grada Zenica)
  - b) Održavanje sastanka s predstavnicima Službe za ekologiju, komunalne i inspeksijske poslove o mogućnosti učestvovanja u sufinansiranju sredstava korisnicima koji učestvuju u GEF projektu energetske efikasnosti
  - c) Opraštanje kamata privrednicima koji su izvršili uplatu duga do 29.12.2017. godine bez obavještanja Gradskog pravobranilaštva
  - d) Razmatranje mogućnosti da se u program JP „RTV Zenica“ d.o.o. Zenica uvrsti više privrednih vijesti i emisija iz grada Zenica
  - e) Rješenje o imenovanju Komisije za analizu naknada koje u gradu Zenica opterećuju privrednike (komunalna naknada, taksa na firmu i KGZ).
2. Projekat LIFE - regulatorna reforma na lokalnom nivou, implementiran od strane Međunarodne finansijske korporacije IFC, članice Grupacije Svjetske banke, u saradnji sa ambasadam Velike Britanije
3. Subvencioniranje kamatnih stopa za kratkoročna i dugoročna finansiranja u saradnji sa BBI bankom
4. Podsticajne mjere - finalno usaglašavanje prije objavljivanja Javnog poziva
5. Poslovna zona Zenica 1 - upravljanje zonom i planiranje razvoja zone
6. Razno

Predsjedavajući Privrednog savjeta je zamolio prisutne članove da se izjasne da li prihvataju predloženi dnevni red. Prisutni nisu imali primjedbe i dnevni red je usvojen.

U **daljem toku sastanka** razmatrane su tačke sa dnevnog reda:

**Ad. 1.** Realizacija zaduženja sa prethodnih sjednica:

- a) Gđica Amra Mehmedić je izvijestila prisutne da je u toku priprema tabele u kojoj će biti informacije o broju podnesenih zahtjeva i dozvola za građenje sa rokovima realizacije zahtjeva kao i podaci o podnesenim i realizovanim inicijativama sa sjednica Privrednog savjeta, što će biti objavljeno na zvaničnoj web stranici Grada. Gđa Senaida Turkić je kazala da i Udruženje poslodavaca Zenica vodi evidenciju o podnesenim i realizovanim inicijativama, te predložila da sekretar Udruženja gđa Benjamina Šaranović evidenciju dostavi Odsjeku za lokalni ekonomski razvoj, radi usaglašavanja pregleda.
- b) Kada je u pitanju prijedlog da se razmotri mogućnost učestvovanja Grada Zenica u sufinansiranju sredstava korisnicima koji učestvuju u GEF projektu energetske efikasnosti gđica Amra Mehmedić je informisala prisutne da je kontaktirala konsultante u Evropskoj banci za obnovu i razvoj (EBRD) koja podržava projekat GEF te da je dobila odgovor da se ne mogu objedinjavati sredstva.

Predsjedavajući Privrednog savjeta je preporučio da se prilikom pripreme Javnog poziva za sufinansiranje utopljanja stambenih zgrada navede uslov da primjena mjera energetske efikasnosti kao što su zamjena stolarije bude jednoobrazna.

Gđa Senaida Turkić je podržala prijedlog predsjedavajućeg Privrednog savjeta i predložila da se prilikom odabira stambene zgrade koja će biti uključena u projekat utopljanja navede uslov da svi stanari budu saglasni sa zamjenom stolarije i drugih materijala.

- c) Shodno molbi koju je u ime određenog broja privrednika iznijela gđa Senaida Turkić, a koja se odnosi na opraštanje kamata privrednicima koji su po objavljenom Javnom pozivu Grada Zenica za dužnike, izvršili uplatu glavnog duga i troškova postupka do 29.12.2017. godine, ali se nisu prijavili Gradskom pravobranilaštvu, niti su obavijestili Gradsko pravobranilaštvo o uplati duga, a što je u skladu s Javnim pozivom bila obaveza dužnika gđica Amra Mehmedić je izvijestila prisutne da je o ovoj molbi razgovarala s Gradskim pravobraniocem. Dodala je da je Gradski pravobranilac predložio da privredni subjekti dostave uplatnice Gradskom pravobranilaštvu radi razmatranja mogućnosti o naknadnom zaključivanju sporazuma s tim privrednim subjektima.

Gđa Senaida Turkić je predložila da Udruženje poslodavaca obavijesti i pozove privredne subjekte koji su izvršili uplatu glavnog duga i troškova postupka po objavljenom Javnom pozivu Grada Zenica do 29.12.2017. godine, te da Udruženje poslodavaca pregled tih privrednih subjekata dostavi Službi kabineta Gradonačelnika kako bi se ostvarile pretpostavke za razmatranje naknadnog zaključivanje sporazuma sa Gradskim pravobranilaštvom.

Predsjedavajući privrednog savjeta je sugerisao da ukoliko Udruženje poslodavaca raspolaže saznanjima da ima još zainteresovanih privrednih subjekata za uplatu glavnog duga i troškova postupka da o tome obavijesti Službu kabineta Gradonačelnika.

Zaključeno je da Udruženje poslodavaca napravi spisak privrednih subjekata koji su izvršili uplatu glavnog duga i troškova postupka do 29.12.2017. godine, uključujući uplatnicu za svaki privredni subjekt, i dostavi na Službu kabineta Gradonačelnika. Služba kabineta Gradonačelnika će konsultovati Gradsko pravobranilaštvo za daljnje postupanje. Udruženje poslodavaca će u dogovoru sa Službom kabineta gradonačelnika, nakon konsultacija sa Gradskim pravobranilaštvom, u mjesecu aprilu ponoviti javni poziv privrednim subjektima za zaključivanje sporazuma o vansudskoj nagodbi.

- d) Prijedlog da se u program JP „RTV Zenica“ d.o.o. Zenica uvrsti više privrednih vijesti i emisija iz grada Zenica prisutnima je obrazložila gđa Senaida Turkić. Navela je da smatra da bi televizija između ostalog trebala biti i servis privrednika. Konstatovala je da u gradu Zenica ima više uspješnih privatnih firmi o kojima se treba pisati kako bi se građani informisali da se u gradu Zenica odvijaju i pozitivni procesi. Direktor JP „RTV Zenica“ d.o.o. Zenica g. Nandino Škrbić je upoznao prisutne da je ugovor o saradnji RTV Zenica potpisala samo s jednom privatnom firmom. Iznio je mišljenje da saradnja televizije i privrednih subjekata treba biti dvostrana. Upoznao je prisutne da je novom programskom šemom TV Zenica planirana emisija o privredi Zenice. Također je informisao prisutne da je planirana posebna emisija o poljoprivredi i poljoprivrednim proizvođačima. Naveo je da se 25% troškova TV Zenica finansira iz budžeta Grada Zenica.

Predsjedavajući Privrednog savjeta je istakao da se promjenom menadžmenta popravila situacija na TV Zenica.

Gđa Vukica Marjanović-Suljić je sugerisala da se ostvari veći stepen saradnje TV Zenica i Zeničke razvojne agencije ZEDA d.o.o. Zenica.

Direktor Zeničke razvojne agencije ZEDA d.o.o. Zenica g. Senad Pašalić je predložio da privredni subjekti sa područja grada Zenice informacije o poslovanju koje žele plasirati javnosti dostave Odjelu za komunikacije agencije ZEDA (saradnici Ajni Dedić), radi objave na oficijelnoj stranici agencije ZEDA i obavještanja medija.

Gđica Amra Mehmedić je predložila da Grad Zenica, Zenička razvojna agencija ZEDA d.o.o. Zenica i Udruženje poslodavaca Zenica zajednički pripreme newsletter na mjesečnom nivou.

Zaključeno je da Udruženje poslodavaca Zenica, Zenička razvojna agencija ZEDA d.o.o. Zenica i TV Zenica kroz zajedničku saradnju promovišu pozitivne promjene u oblasti privrede u gradu Zenica.

- e) Kada je u pitanju prijedlog g. Mladena Perića da se formira Komisija za analizu naknada koje u gradu Zenica opterećuju privrednike (komunalna naknada, taksa na firmu i KGZ), gđica Amra Mehmedić je podsjetila prisutne da je članovima Privrednog savjeta putem e-maila dostavila aktivnosti iz LIFE projekta. Upoznala je prisutne da projekat LIFE implementira Međunarodna finansijska korporacija iz Grupacije Svjetske banke - IFC u Bosni i Hercegovini, a u saradnji sa Ambasadorom Velike Britanije u BiH. S obzirom da projekat LIFE između ostalog podrazumijeva analizu procedura i propisa, gđica Mehmedić je predložila da se u tom smislu formira radna grupa u koju će biti uključeni predstavnici gradskih službi, Udruženja poslodavaca Zenica, savjetnica Gradonačelnika za pravna pitanja i nekolicina drugi pravnik iz gradskih službi te da se u okviru grupe razmotre aktivnosti navedene u projektu, ali i nameti koji u gradu Zenica opterećuju privrednike i daju preporuke Gradonačelniku. Cilj je da se administrativne procedure i postupci pojednostave i skrate kao i da se analiziraju visine administrativnih taksi. Projekat LIFE je uspješno implementiran na području 13 općina. Navela je da će konsultanti projekta LIFE Gradskoj upravi dostaviti prezentaciju o rezultatima projekta u općinama u kojima je projekat LIFE implementiran. Dodala je da će po dobijanju, prezentaciju putem e-maila proslijediti članovima Privrednog savjeta.

Zaključeno je da Udruženje poslodavaca Zenica, Odsjeku za lokalni ekonomski razvoj dostavi prijedloge kandidata za članove radne grupe projekta LIFE.

**Ad. 2.** Više o projektu LIFE vidjeti pod tačkom Ad.1.e.).

**Ad. 3.** Gđica Amra Mehmedić je podsjetila prisutne da je Grad Zenica objavio Javni poziv poslovnim bankama za plasman kreditne linije uz subvencionisanje dijela kamatne stope za subjekte male privrede koji posluju na području grada Zenica. Nakon provedenog javnog poziva izabrana je BBI banka kao najpovoljniji ponuđač. U cilju provođenja kreditne linije za subvencionisanje dijela kamatne stope Grad Zenica je obezbijedio sredstva u iznosu od 100.000,00 KM, dok je BBI banka osigurala sredstva u iznosu od 5.000.000,00 KM. Grad Zenica će subvencionirati iznos od 3% kamatne stope. Kratkoročna revolving sredstva podrazumijevaju finansiranje sa rokom otplate do 12 mjeseci u maksimalnom pojedinačnom iznosu do 500.000,00 KM. Visina subvencionirane profitne stope je 0,97% za privrednike, a naknada za obradu zahtjeva je također 0,97%, dok je za dugoročna anuitetska finansiranja za trajna obrtna i stalna sredstva i rok otplate 3 godine u maksimalnom iznosu do 500.000,00 KM, visina subvencionirane profitne stope 1,97% za privrednike i 0,97% naknada za obradu

zahtjeva. BBI banka će svakih šest mjeseci izvještavati Grad Zenica o namjenskom trošenju kreditnih sredstava. Sredstva budžeta Grada Zenica namijenjena su subjektima male privrede za 2018. godinu i ne mogu se koristiti kao podsticajna sredstva za sljedeće djelatnosti: ugostiteljska, proizvodnja oružja i vojne opreme, proizvodnja duhanskih proizvoda i alkoholnih pića, primarna poljoprivredna proizvodnja, otvaranje kasina i organizovanje drugih igara na sreću.

Gosp. Senad Pašalić je predložio da se korištenje kratkoročnih revolving sredstava, sa rokom otplate do 12 mjeseci, limitiraju na maksimalni pojedinačni iznos do 100.000,00KM, a da se dugoročna anuitetska finansiranja za trajna obrtna i stalno sredstva, sa rokom otplate 36 mjeseci, odobravaju u maksimalnom iznosu do 500.000,00KM pri čemu minimalno 70% sredstava mora biti utrošeno za stalna sredstva a maksimalno 30% sredstava za trajna obrtna sredstva.

Zaključeno je da Udruženje poslodavaca Zenica i članovi Privrednog savjeta Grada Zenica, Odsjeku za lokalni ekonomski razvoj dostave prijedloge uslova za korištenje odobrenih podsticajnih sredstava prije zaključivanja ugovora sa bankom, a najkasnije do 03.04.2018. godine.

**Ad. 4.** Što se tiče poticajnih mjera, gđica Amra Mehmedić je informisala prisutne da su prijedlozi poticajnih mjera usaglašeni sa Udruženjem poslodavaca Zenica. Napomenula je da ukoliko postoje još neki komentari na prijedloge poticajnih mjera, isti se mogu putem e-maila dostaviti Odsjeku za lokalni ekonomski razvoj. Najavila je uskoro objavljivanje Javnog poziva.

**Ad. 5.** Gosp. Senad Pašalić upoznao je prisutne da Poslovnom zonom Zenica 1 od 30.11.2017. godine upravlja Zenička razvojna agencija ZEDA d.o.o. Zenica. Informisao je prisutne o potrebi izrade kvalitetnog Pravilnika za upravljanje zonom, a koji će biti primjenjiv i na druge zone. Naveo je da se pojavila mogućnost izrade feasibility studije za Poslovnu zonu Zenica 1, što je otvorilo dilemu da li je opravdano raditi feasibility studiju za Poslovnu zonu Zenica 1 ili je korisnije uraditi studiju za zonu „Zenica-sjever“. Dodao je da će zatražiti stručnu pomoć od donatorskih organizacija sa kojima Grad Zenica i Agencija ZEDA realizuju nekolicinu projekata.

Predsjedavajući Privrednog savjeta je informisao prisutne da veliki broj potencijalnih investitora svakodnevno posjećuje Gradsku upravu. Sugerisao je da ukoliko Udruženje poslodavaca Zenica raspolaže saznanjima o slobodnim halama u gradu Zenica, da te informacije dostavi Odsjeku za lokalni ekonomski razvoj.

Gđica Amra Mehmedić je predložila da se razmotri mogućnost izrade kataloga dostupnih hala i poslovnih prostora u gradu Zenica. U tom smislu je zamolila članove Privrednog savjeta da se izjasne da li da se putem javnog poziva pozovu imaooci hala i poslovnih prostora u gradu Zenica ili da se u rješavanje ovog pitanja uključi Udruženje poslodavaca Zenica.

Zaključeno je da se pripremi javni poziv putem kojeg će se pozvati vlasnici hala i poslovnih prostora u gradu Zenica radi uvrštavanja u katalog dostupnih hala i poslovnih prostora te eventualne prodaje ili izdavanja u zakup.

**Ad. 6.** U okviru tačke razno prisutni su razmatrali sljedeće:

- Predsjedavajući Privrednog savjeta je konstatovao da se treba urediti centar grada. Osvrnuo se na ljetne bašte i naglasio da je neophodno propisati uslove za postavljanje

ljetnih bašti. Najavio je da će od ove godine na Trgu Alije Izetbegovića biti dozvoljeno postavljanje četiri ljetne bašte.

Predsjednik Sekcije ugostiteljske djelatnosti g. Senad Džanić podsjetio je prisutne na molbu ugostitelja da plaćanje bašti na javnim površinama u zakupu vrše na rate.

Prisutni su saglasni s prijedlogom da se plaćanje bašti na javnim površinama u zakupu vrši na rate.

Shodno tome, zadužuje se Služba za urbanizam, imovinsko-pravne, geodetske poslove i katastar nekretnina da pripremi odluku kojom će regulisati da se plaćanje bašti na javnim površinama u zakupu vrši na rate uz navođenje sljedećeg:

1. Ugostitelji koji izvrše jednokratno uplatu cjelokupnog iznosa za korištenje ljetne bašte za period od 6 mjeseci (period 01.04.2018.-01.10.2018. godine), ostvaruju pravo na besplatno korištenje bašte za preostalih 6 mjeseci i shodno tome oslobađaju se plaćanja naknade za zadržavanje tende i podijuma u zimskom periodu.
  2. Ugostitelji koji će vršiti plaćanje naknade za korištenje ljetne bašte u ratama (1-6 mjeseci), na mjesečnom nivou, u periodu od 6 mjeseci (period 01.04.2018.-1.10.2018. godine) ne ostvaruju pravo na besplatno korištenje bašte za preostalih 6 mjeseci i shodno tome u slučaju zadržavanja tende i podijuma u zimskom periodu imaju obavezu plaćanja naknade za iste, prema važećem tarifniku.
- Ugovorom će biti preciziran način plaćanja za cjelokupan iznos, odnosno za plaćanje u ratama sa rokovima uplate za svaki mjesec.
- Gosp. Fahrudin Šahmanija je istakao problem nedostatka certificiranih varioca u gradu Zenica i predložio da se sagleda mogućnost ostvarivanja saradnje s Metalurško-tehnološkim fakultetom u Zenici, radi razmatranja ovog problema i iznalaženja rješenja.
- Gosp. Senad Pašalić je upoznao prisutne da je urađen koncept projekta za formiranje Centra za obuku i atestiranje zavarivača prema EU standardima, certificiranje proizvoda/varova, ispitivanje varova, uvođenje sistema kvaliteta prema EU standardima. Koncept je odobren od strane USAID WHAM. Partner na projektu je firma TÜV NORD iz Zagreba odnosno Slavenskog Broda.

Sastanak Privrednog savjeta je završio s radom u 15:30 sati.

Predsjedavajući Privrednog savjeta

**Gradonačelnik**

**Fuad Kasumović**

Zapisnik sačinila:

Maida Mujanović, dipl.iur.